



UNIVERSITÄTS-  
BIBLIOTHEK  
PADERBORN

**Poesis Sacra Sive Vitae, Mortis, Et Resurrectionis  
Salvatoris Nostri Jesu Christi Historia**

**Hermanni, Joachim Heinrich von**

**Hildesii, 1743**

**VD18 10904743**

Parænesis Authoris Ad Pium Lectorem.

---

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

PARÆNESIS AUTHORIS AD  
PIUM LECTOREM.

CHRISTIANE LECTOR!



Non illis duntaxat, qui in re-  
ligiosis asceteriis consti-  
tuti vitam profitentur con-  
templativam & asceticam;  
sed & universis, quicumque  
Christiani nominis professione censentur, ac  
sanctæ Crucis signaculo ab infidelium com-  
munionem secernuntur, consultum fore arbi-  
tror & conducibile, quin & necessarium, de  
Salvatoris ac Domini nostri Jesu Christi vi-  
ta, morte, & resurrectione assiduò medita-  
ri. Præclarum salutaris hujus exercitii usum  
nobis commendant SS. Patres & Ascetæ uni-  
versi. Omnis quippe Christi actio, nostra  
fuit institutio.

Non est impræsentiarum mihi propositum,  
eximios virtutum actus, quibus Salvatoris  
nostri

nostri in carne humanâ conversantis vita mirificè abundavit, prolixiori narratione ob oculos statuere (cùm hoc absque eo meum, utpote viri sæcularis, temporalibus curis nimium distracti, talentum & conditionem supergrediatur) neque seriatim describere tempestates, quibus Salvator noster in hoc mari turbulento humanæ peregrinationis jactatus fuit (hoc enim requireret non modò totum hominem, sed Angelum; imò ipsum, de cuius vitâ, morte, & resurrectione breviter locuturi sumus, Salvatorem Jesum) sed brevi ac succinctâ methodo hæc Ssancta ejus mysteria strictim delibando, metricè decantando proponere. Christus in lucem brevè proditurus, Augusti Cæsaris jussu, tempore brumali perquam incommodo in Bethlehem ad tribuum conscriptionem deportatur; sed ob parentum inopiam à diversorio in stabulum amandatur: bruta inter animalia, cum Matre Virgine tenellâ, miseriam suam filioli que sui finè dubio (utì piè meditor) amarissimè deplorante, Hyemis inclementiam & frigoris aspe-

asperitatem sustinuit. Modico ab hoc intervallo à tribus Magis Orientalibus nonnihil relevatus inopiâ, inter fumantia aliquot millium parvulorum latrocinia vix salvatus in exilio, duram in Ægypto cum parentibus suis desolationem sustinuit. Post archi-latronis obitum in terram Israël quidem regressus, in eâ tantillum terrenæ hæreditatis, ubi reclinaret caput suum, non invenit. Ad prædicationis munia accinctus, à Diabolo callidè tentatur, à cognata sibi gente, cui doctrinam salutis inspirare tam sollicitè laborabat, pessimè habetur. A Synagoga infimulatur gravissimorum criminum, imò artium diabolicarum; templo ejicitur, & non multum abfuit, quin lapidibus obrueretur. Denique postquam per totam Judæam laboriosè circummeundo, omnibus, qui animarum & corporis periculis affligebantur, prædicationibus & prodigiis suis subvenisset, excitatâ atrocissimi livoris tempestate à Juda Discipulo innocentissimæ conversationis suæ oculari teste & miraculorum spectatore, vili pretio Judæis

traditur; ad subornatorum testium falsa testimonia, blasphemiamque & perduellionis insimulationem, mortis reus judicatur: à Tetrarcha Herode illuditur, à Pilato crudelissime flagellatur, & inter latrones cruci affigitur. Profectò materia altissimæ contemplationis, cui recolendæ, rebus sæpenumerò turbidè euntibus, pro modulo meo dedi operam: cum, ut Salvatori meo in acerbissimis ejus olim exantlatis adversitatibus meditando compaterer; tum ut, pro reparata humani generis salute eidem gratias agendo, me confidentius consolarer. Certè neminem, quotuscunque seu sublimioris seu infimæ fortis sit, reperiri arbitror, qui in hac amarissimæ passionis historiâ suæ non inveniat crucis ideam; & tunc demum felicissimo eventu, si in ea Divinæ se voluntati, ad Salvatoris nostri exemplar, generosâ resignatione conformaverit. Etenim si indigentiam coarctamur; quis mortalium majori rerum penuriâ, quàm Salvator noster toto peregrinationis suæ intervallo, pressus est? si exponimur hominum odiis,

odiis ; quis expertus est acerbiores persecu-  
tionum turbines ? si maledicentium linguis  
exagitamur ; quis majoribus fuit calumniis  
aggravatus ? si affligimur animi corporisque  
doloribus ; quis in hoc malorum genere abun-  
dantiori mensurâ visitatus est ? si denique  
agonizantes cum morte luctamur ; quis cru-  
deliori martyrio, quàm innocentissimus Sal-  
vator noster, interfectus est ? hinc omnibus  
hisce tribulationibus ac doloribus ob oculos  
vivaciter propositis apud Lucam *Cap. 12.* justè  
conqueritur, dicens : *Baptismo habeo baptizari,*  
*& quomodo coarctor, usque dum perficiatur.* Verè  
amantissimus JESUS habebat baptismo amarif-  
simæ passionis dolorosè baptizari ; & in hoc  
deplorabili agone tot præludiis dolorum, qui-  
bus enarrandis omnium Doctorem calami ne-  
quaquam sufficiunt, coarctabatur, fidelibus  
suis exemplum relinquens, ut in adversita-  
tibus suis non despondeant animum ; sed, us-  
que dum peregrinationis suæ cursum perfe-  
cerint, adversus omnes Mundi, carnis, &  
Diaboli adversitates perseveranter cum eodem  
decer-

decertent. Carissime in Christo frater, ex allegatis facile advertisti, quæ mea sit tui in palæstra patientiæ commilitonis intentio; cui explicandæ ulterius adjungo, quòd ad hanc meditationem animum meum, qui prò dolor! in Divinarum rerum recogitatione ex humanâ fragilitate sæpius fastidium patitur, juvenilibus studiis excitaverim; & nè tam salutaris tragœdiæ momenta celerius, quàm animæ conducit, transcurrerem, verborum mensurâ & ligamine cursum distractionis sufflaminaverim; & quòd præterea pro tollendo, si quod inter legendum obreperet, fastidio, veterum & recentiorum Poëtarum comparationes, modos proponendi, & flores poëticos, quantum historiæ gravitas patitur, insperferim. Ex quâ tandem concinnatione hoc qualecunque tragicum, affectu quoque, ut arbitror, congruo refertum poëma prodit, quod in honorem Christi, ejusque vitæ, mortis, & resurrectionis sincero charitatis affectu tibi communico; non quasi hic exiguus devotionis labor sub conspectum clarissimo

PRÆFATIO.

---

riffimorum ingeniorum, quibus in hoc erudito sæculo Mundus notoriè abundat, educi mereatur, sed ut, quantas Salvator Jesus pro nostra omnium redemptione sustinuerit adversitates, placidiori methodo sæpius in memoriam reducatur: eâ spe fretus, fore, ut pro solidæ in Christum Salvatorem, olim in terris tam malè & crudeliter habitum, dilectionis affectu hunc conatum meum æqui bonique facias, eique sepositis favorum mutationibus benignè faveas; qui tibi omnibusque Crucis subsignans, meisque in Christo commilitonibus, usque ad extremum vitæ anhelitum serviendo, & postquam eum Domino vocante efflavero, sæcularibus ærumnis ereptus, in regione, ut spero, vivorum indefinenter pro te orando, perseverare desidero tuus in Christo Jesu Domino & Salvatore nostro conservus humillimus

J. H. DE HERMANNI.